

বগুড়া আরডিএ'র বার্ষিক পরিকল্পনা সম্মেলন শুরু

পল্লী উন্নয়ন একাডেমী (আরডিএ) বগুড়া'র ২৬তম বার্ষিক পরিকল্পনা সম্মেলন গতকাল শুরু হয়েছে। দুইদিন ব্যাপি এই সম্মেলনে বার্ষিক পরিকল্পনা সম্মেলনের উদ্বোধনী অনুষ্ঠানে প্রধান অতিথি হিসেবে উপস্থিত ছিলেন কৃষি, পানি সম্পদ ও পল্লী প্রতিষ্ঠান পরিকল্পনা কমিশন'র সদস্য এ এন শামসুদ্দিন আজাদ চৌধুরী। প্রধান অতিথির বক্তব্যে তিনি বলেন বার্ষিক পরিকল্পনা সভার এই আয়োজন সংশ্লিষ্ট গবেষকগণকে নব উদ্যোগে কাজ করার প্রেরণা যোগাবে। পল্লী উন্নয়নে গবেষণালব্ধ মডেল বা প্রযুক্তির কার্যকর সম্প্রসারণের মাধ্যমে দেশের খাদ্য নিরাপত্তা নিশ্চিত হবে, অর্জিত হবে কাজিত উন্নয়ন, সম্ভব হবে প্রধানমন্ত্রী ঘোষিত রূপকল্প-২০২১ এর সফল বাস্তবায়ন। আরডিএ'র অর্জিত সাফল্যের ধারাবাহিকতা অটুট রাখতে এবং একবিংশ শতাব্দীর চ্যালেঞ্জ মোকাবেলায় পল্লী উন্নয়ন নিশ্চিত করতে একাডেমীর সকল স্তরের গবেষক, কর্মকর্তা ও কর্মচারীদের আরও কঠোর পরিশ্রম ও নিষ্ঠার সাথে স্ব-স্বদায়িত্ব পালনে সচেষ্ট হতে হবে। তাদের এই মিলিত উদ্যোগ পল্লী উন্নয়নের ক্ষেত্রে নতুন দিগন্ত উন্মোচন করবে। অনুষ্ঠানে পল্লী উন্নয়ন একাডেমী, বগুড়া'র ভারপ্রাপ্ত মহাপরিচালক এম এ মতিন বলেন বাংলাদেশের

গ্রামীণ জনগোষ্ঠীই বাংলাদেশের অর্থনীতির মূল চালিকা শক্তি। তাই গ্রামের উন্নয়ন ব্যতিরেকে বাংলাদেশের অর্থনৈতিক মুক্তি অসম্ভব। পল্লী উন্নয়ন একটি গতিশীল ও বহুমাত্রিক সামাজিক ও অর্থনৈতিক কৌশল। গ্রামীণ জনগোষ্ঠীর দারিদ্র্য বিমোচন, আত্ম-কর্মসংস্থান, আর্থ-সামাজিক ও জীবনযাত্রার মানোন্নয়নে পল্লী উন্নয়ন একাডেমী, বগুড়া বিগত চার দশক সময় ধরে পল্লী উন্নয়নে উল্লেখযোগ্য ভূমিকা পালন করে চলেছে। দেশকে টেকসই উন্নয়ন ও অগ্রগতি উপহার দিতে নিরলস প্রচেষ্টা অব্যাহত রাখতে পল্লী উন্নয়ন একাডেমী, বগুড়া বন্ধপরিকর। উদ্বোধনী অনুষ্ঠানে বিশেষ অতিথি হিসেবে (৬ পৃঃ ৩ কঃ দ্রঃ)

বগুড়া আরডিএ'র বার্ষিক

(৩ এর পাতার পর)

উপস্থিত ছিলেন আরডিএ'র সাবেক মহাপরিচালক ড. মোহাম্মদ সোলায়মান, বঙ্গবন্ধু শেখ মুজিবুর রহমান কৃষি বিশ্ববিদ্যালয়ের সাবেক উপাচার্য প্রফেসর মোঃ লুৎফর রহমান খান। ২৬তম বার্ষিক পরিকল্পনা সম্মেলনের কনভেনরের দায়িত্ব পালন করেন হাবিবুর রহমান। অনুষ্ঠানে পল্লী উন্নয়ন একাডেমী, বগুড়ার পরিচালকবৃন্দ, অনুযদ সদস্যবৃন্দ, দেশের বিভিন্ন বিশ্ববিদ্যালয় থেকে আগত শিক্ষকবৃন্দ, বিভিন্ন সরকারি-বেসরকারিপ্রতিষ্ঠান থেকে আগত ব্যক্তিবর্গ, গবেষক, বিশেষজ্ঞসহ একাডেমীর সকল কর্মকর্তা ও কর্মচারীবৃন্দ উপস্থিত ছিলেন। উক্ত অনুষ্ঠানে বিগত ২০১৫-২০১৬ বছরের সম্পাদিত প্রশিক্ষণ, গবেষণা ও প্রায়োগিক গবেষণা কার্যক্রমের পর্যালোচনাসহ ২০১৬-২০১৭ অর্থ বছরের জন্য একাডেমী কর্মপরিকল্পনা প্রণয়ন সভা অনুষ্ঠিত হয়। এরপর একাডেমীর পানি সাশ্রয়ী আধুনিক প্রযুক্তির সম্প্রসারণ ও বিস্তার এবং ব্যবস্থাপনার মাধ্যমে ফসলের উৎপাদন বৃদ্ধি শীর্ষক প্রায়োগিক গবেষণা প্রকল্পের আওতায় রেইজড বেড (বেড নালা পদ্ধতি) প্রযুক্তি এবং গ্রুপ পর্যায়ে আয়বর্ধক কাজে উদ্বুদ্ধকরণে কৃষি যন্ত্রপাতি-পাওয়ার টিলার (বেড ফরমারসহ) বিতরণ অনুষ্ঠানে প্রধান অতিথি সামসুদ্দিন আজাদ চৌধুরী প্রকল্পের উপকারভোগীদের মাঝে তিনটি গ্রুপে পাওয়ার টিলার বিতরণ করেন। উল্লেখ্য, উক্ত প্রকল্পের আওতায় পরবর্তীতে সর্বমোট ১০০টি পাওয়ার টিলার (বেড ফরমারসহ) নির্বাচিত গ্রুপ পর্যায়ে বিতরণ করা হবে। খবর বিজ্ঞপ্তির।